



Inatsisartuni ilaasortaq
Aleqa Hammond, Siumut
Inatsisartut

**CIA-p timmisartuussisarsimagaanera pillugu Inatsisartut suleriaasi-
anni § 37, imm. 1 naapertorlugu apeqqummut 192-imut akissut**

Asasara Aleqa Hammond,

§ 37, imm. 1 naapertorlugu imatut apeqquqteqarputit: **Danskit nunanut
allanut naalakkersuisuata oqaatigisaa tassalu CIA-p isertortumik
timmisartuussisarsimanerangaanera pillugu misissuititsinissaq
ingerlanneqassanngortoq qanoq Naalakkersuisut
iliuuseqarfigissamaarpat?**

Sagsnr.
Dok. Nr.
13. oktober 2011
Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl

Danmarkimi qinersinissaq sioqqullugu maannakkut naalakkersuisuusut,
Socialdemokratinit siuttuuffigineqartut, oqaatigisimasaat eqqarsaatigalu-
gu, danskit naalakkersuisortaavisa maannakkut oqaatigisaat tupannar-
poq. Maanna paasineqarpoq qinersisoqannginnerani qinersisoqareerne-
ranilu danskit politikeriiniit imminnut aklerleriittunik oqaluttoqartoq.

Naalakkersuisut danskit naalakkersuisortaavinik matuminnga suliamik
aalajangiisimasunik naapitsinissaminnut periarfissaqarsimangillat. Nor-
disk Rådip Københavnimi ataatsimiinnissaani nununat allanut ministe-
rtaaq ataatsimeeqatiserivara, tassanilu ilaatigut apeqquq pineqartoq
qaqissavara. Inatsisartut amerlanerussuteqartut kissaataat saqqummiuti-
lersaarpakka, sulianilu Kalaallit Nunaannut attuumassuteqartuni Kalaallit
Nunaatalu soqutigisaqarfigisaani ammassumik ersarissumillu sulisoqar-
nissaa piumasarissallugu.

Inussiarnersumik inuulluaqqusillunga

Kuupik Kleist